



CONVENIO DE COLABORACION ENTRE O CONCELLO DE CABANAS E A ENTIDADE-ASOCIACIÓN SEN ÁNIMO DE LUCRO “AGRUPACIÓN DE VOLUNTARIOS DE PROTECCIÓN CIVIL CABANAS” PARA REGULAR A COLABORACIÓN ECONÓMICA DO CONCELLO AOS EFECTOS DE SUFRAGAR GASTOS QUE DERIVEN DA ORGANIZACIÓN E CELEBRACIÓN DAS ACTIVIDADES QUE SE REALICEN DURANTE O ANO 2023”.
REUNIDOS

En Cabanas na data da sinatura dixital

Dunha a parte, Fernando Couce Rodríguez DNI 32717801W, alcalde do Concello de Cabanas, en nome e representación do Concello.

Doutra parte, Jorge Armando Freire Allegue, en nome e representación da “Agrupación Municipal de Voluntarios de Protección Civil de Cabanas”, coma Presidente da mesma, provisto do DNI en vigor número 32719355S

Ámbolos dous interveñen en representación e coas facultades que os seus respectivos cargos lles confiren, recoñecéndose reciprocamente as partes intervintes a necesaria capacidade xurídica e lexitimación para convir e subscribir o presente convenio, conforme ás seguintes:

CLÁUSULAS

I.- É obxecto do presente convenio fixar un marco de colaboración económica entre o Concello de Cabanas e a Agrupación Municipal Voluntarios do mesmo concello (AVPC, en adiante), toda vez as funcións a desenvolver pola dita Agrupación determina a posibilidade de que nesta entidade local se presten servizos de protección civil e que se poida actuar inicialmente ante calquera situación de emerxencia que se detecte coa máxima celeridade e profesionalidade, tal e como se establece no artigo 25 da LBRL e no artigo 10 da Lei 5/2007 de 7 de maio de emerxencias de Galicia, toda vez o Concello non ten un servizo municipal propio de protección civil e de xestión de emerxencias, por non resultar obrigatorio segundo a normativa citada para os concellos de menos de 20.000 habitantes, e ser imposible o sostemento económico do citado servizo.

II.- O Concello de Cabanas, vistas as tarefas desenvolvidas pola AVPC, e visto o interese xeral dos veciños/as que se van a prestar, en base ao determinado no artigo 49.f) da LEG comprométese a axudar economicamente a dita entidade mediante a consignación dunha axuda nominativa nos orzamentos xerais do ano 2023. Así en concreto na base de execución núm. 42 establécese unha axuda de **8.000 €** a favor da dita entidade para sufragar gastos referidos a gastos de mantemento como son os que derivan ou derivarán do pagamento do seguro de cobertura de riscos de accidentes, responsabilidade civil, de vehículos, correos, vestimenta, mantemento programa de xestión AVPC, gastos postais, adecuación de local, material sanitario e outro material funxible necesario para o funcionamento da AVPC, o dito importe atópase consignado na aplicación orzamentaria **135 489 00**.

III.- Tal subvención servirá para financiar gastos correntes relacionados co mantemento da dita AVPC, nos que incorra entre 1 de xaneiro de 2023 e 31 de decembro de 2023, sempre e cando non se perciban outras axudas (públicas ou de entidades privadas) para o mesmo fin que sumadas á concedida polo concello determinen un importe superior ao gasto realizado.

A subvención poderá acadar ata o 100% do custo que se xustifique mediante gasto realizado (xustificando tamén o pagamento) para os fins indicados.

IV.- A AVPC, comprométese a destinar o importe da cantidade recibida á finalidade prevista no presente convenio, e a colaborar coas autoridades competentes na realización de tarefas relacionadas coa protección civil.

V.- En ningún caso, o persoal para o desenvolvemento das actividades propias da AVPC terán vinculación ou relación laboral de ningún tipo co Concello de Cabanas, e tal e como se determina no artigo 51.4 do Decreto 56/2000 de 3 de marzo.

VI.- A AVPC deberá dar cumprimento ao establecido na normativa relacionada, en concreto cumprir o resto de requisitos establecidas no artigo 51 do Decreto 56/2000 de 3 de marzo para o persoal voluntario, que debe cumprir cos deberes determinados no artigo 53 do citado decreto e contar coa formación normativamente establecida. Ao igual que a AVPC, debe contar con un seguro de accidentes así como de responsabilidade civil por danos a terceiros que ampare aos seus membros fronte aos riscos que están sometidos no exercicio das funcións descritas e a dita agrupación debe estar inscrita no rexistro de protección civil da Comunidade Autónoma.

SOLICITUDE

VII.- A AVPC, deber presentar no Concello a seguinte documentación:

- a. Xunto coa solicitude e antes da adopción do acordo de outorgamento da subvención:
 - Copia compulsada do CIF da AVPC e do regulamento da dita AVPC e xustificante de inscrición no rexistro de protección civil da Comunidade Autónoma.
 - Certificados emitidos polo Secretario/Secretaria da AVPC acreditante quen son os membros da Xunta Xestora, e especificamente o que ostenta a representación da dita Agrupación aos efectos da sinatura do convenio.
 - Declaración responsable, asinada polo representante legal da entidade no seu nome, de non estar (nin a entidade nin os seus representantes) en ningún suposto de incapacidade ou incompatibilidade para a percepción de subvencións ou axudas públicas, unida á declaración de que a entidade está ao corrente das súas obrigas tributarias (autonómicas, estatais e locais) e de Seguridade Social (art. 14.1.e) LXS).
 - Relación dos gastos (conceptos e importes) nos que prevé incorrer e ingresos que prevé recibir para o mantemento da AVPC.
 - Declaración responsable do conxunto das subvencións solicitadas ou concedidas para a mesma finalidade e período obxecto de subvención. A estes efectos, indícase que esta subvención, dende o punto de vista do Concello, é compatible coa percepción doutras subvencións, axudas, ingresos ou recursos para a mesma finalidade, sempre que, en ningún caso, a súa contía, engadida á da subvención outorgada polo Concello, supere o custe da actividade subvencionada.
 - Declaración responsable en nome da AVPC, comprometéndose a presentar xustificación da axuda conforme se determina na cláusula seguinte.
 - Certificado referido ao carácter de dedución ou non do IVE que lle é repercutido polos gastos subvencionados.

Para o libramento dos fondos da subvención estarase ao seguinte:

O pagamento da subvención efectuarase mediante ingreso na conta bancaria sinalada para tal efecto polo beneficiario, unha vez sexa asinado o convenio e ao tratarse dunha subvención prepagable na súa totalidade, indicar que antes da xustificación da subvención polo beneficiario, non se require constitución de aval algún ao beneficiario en garantía do anticipo.

XUSTIFICACIÓN

VIII.- A AVPC deberá presentar no prazo de 9 meses, a contar dende o día seguinte á notificación da concesión da axuda ou pago efectivo da mesma, podéndose solicitar ampliación do prazo de xustificación motivada, ata a data de vixencia do convenio (31.12.2023), a seguinte documentación xustificativa do emprego da subvención outorgada:

1. Conta xustificativa (relación de facturas con conceptos e importes que se presentan coma xustificación da subvención), e copias compulsadas de facturas orixinais, axeitadas ao establecido no RD 1619/2012, previamente a compulsas farase constar nos orixinais, mediante dilixencia nas mesmas, que se corresponden con gastos subvencionados polo concello, quedando as copias compulsadas no expediente, unha vez dilixenciadas, aos efectos dun control de concorrencia de subvencións. Tamén deberán presentarse xustificantes dos pagamentos realizados a través de transferencias bancarias aos provedores co selo da entidade financeira, ou con código de verificación, ou coa copia do cheque nominativo emitido e xustificante do seu cargo na conta acreditando pola entidade financeira do mesmo xeito. Achegarase tamén unha memoria das actuacións realizadas, asinadas en todas as follas, e declarando o cumprimento da finalidade da axuda. Non se admitirán facturas sendo o seu pagamento en metálico.

2. Certificados de estar ao corrente das obrigas tributarias e coa seguridade social, e declaración de non ter percibido/solicitado outras axudas para o mesmo fin.

3. Xustificación de ter dado publicidade á colaboración económica do concello, por medios escritos e fotográficos na web e redes sociais, sendo correctamente testemuña da publicidade da subvención percibida do Concello pola entidade beneficiaria, aos efectos da necesaria publicidade da mesma (art. 18.4 LXS).

Se a documentación xustificativa presentada, non se presenta completa e correcta (conforme ao establecido neste convenio, e na Lei Xeral de Subvencións e normativa de desenvolvemento) efectuarase requirimento outorgando prazo non inferior a 10 días, nin superior a un mes para emendar os defectos observados. Transcorrido o dito prazo sen recibirse a emenda da documentación, procederase á incoación do expediente de reintegro, este expediente poderá ser polo total, no caso de non xustificarse a realización de ningún gasto, de xustificarse inadecuadamente ou, tamén poderá ser parcial, no caso de que polo órgano competente se considere que queda acreditada a realización da actividade, por xustificarse algúns gastos pero que non acade o importe subvencionado.

CUESTIÓNS ADICIONAIS

- A. AVPC, sométese ás actuacións de comprobación e control que realice o órgano local competente ou a Intervención do Concello, estando obrigado a facilitar toda a información que lle sexa requirida por eles no exercicio das funcións de fiscalización e control do destino das cantidades libradas, de conformidade cos termos regulados na Lei 38/2003. Igualmente, de acordo co disposto na Lei 6/85 de 24 de xuño do Consello de Contas de Galicia, a AVPC, queda sometida aos procedementos de fiscalización

que leve a cabo dito órgano de control externo, e no seu caso ao disposto na Lei orgánica 2/1982 de 12 de maio, aos procedementos de axuízamento contable que poida incoar o Tribunal de Contas.

- B. Procederá o reintegro total ou parcial das cantidades percibidas no suposto de incumprimento das condicións do presente convenio ou requirimentos de xustificación que poida facer a Intervención ou o órgano municipal competente.
- C. O presente convenio terá vixencia ata o 31 de decembro de 2023.
- D. Para o seguimento e control do cumprimento do presente convenio poderá constituírse unha comisión integrada por un representante de cada unha das partes, nomeados polo Presidente do Concello e polo órgano estatutariamente competente da AVPC.
- E. Son causas de resolución do presente convenio:
 - A denuncia de calquera das partes
 - O incumprimento total ou parcial das obrigas estipuladas por parte de calquera dos asinantes.
- F. Dada a natureza xurídica pública do presente convenio, as controversias que puidesen xurdir na aplicación do mesmo, serán resoltas pola xurisdición contencioso administrativa.
- G. As partes asinantes declaran de obrigado cumprimento todo o consignado no presente convenio de carácter administrativo e sométense ao mesmo, ás bases de execución do Orzamento Xeral do Concello de Cabanas (que a AVPC declara coñecer), e á normativa de aplicación na materia.

En proba da súa conformidade subscríbese por duplicado exemplar e a un só efecto no lugar e data indicados.

Cabanas, na data da sinatura dixital

Polo Concello de Cabanas
O Alcalde:

Pola entidade beneficiaria
O Presidente da AVPC:

Asdo.: Fernando Couce Rodríguez

Asdo.: Jorge Armando Freire Allegue